

"Gambar dalam buku ini hanya ilustrasi dan tidak berkaitan dengan rupa atau tubuh sebenar Nabi."


Nabi Isa AS

-Bayi yang Bercakap & Kelahiran Tanpa Ayah-

-Amal Soleh-



Maryam, Wanita yang Suci



**Di kota Nazareth,
hiduplah seorang
wanita solehah
bernama Maryam.
Maryam ialah gadis
yang suci, baik hati dan
taat kepada Allah.**

**Sejak kecil, dia tinggal di
rumah ibadah dan dijaga
oleh Nabi Zakaria.**

**Maryam suka solat,
membaca kitab dan berzikir
setiap hari.**

**Allah memilih Maryam
menjadi wanita yang sangat
mulia di dunia dan akhirat.**

Kunjungan Malaikat Jibril

**Pada suatu hari,
Maryam sedang
bersendirian.
Tiba-tiba, datang
Malaikat Jibril AS dalam
bentuk lelaki.**

**Maryam terkejut dan takut.
Tapi Jibril AS berkata:
“Jangan takut. Aku diutus
oleh Allah untuk memberi
kamu berita gembira.”**

**Malaikat Jibril AS berkata:
"Kamu akan mengandung
seorang anak lelaki
bernama Isa."**

**Maryam AS pun terkejut!
"Bagaimana aku boleh
dapat anak, sedangkan aku
belum pernah berkahwin?"**

**Jibril AS menjawab:
"Begitulah kehendak Allah.
Jika Dia mahu,
ia pasti terjadi."**

Maryam Mengasingkan Diri

Maryam AS pun mengandung, seperti yang dikatakan oleh Jibril AS.

Dia rasa malu dan sedih kerana bimbang orang akan menuduhnya.

Maryam AS pergi ke tempat yang jauh dan sunyi.

Di bawah sebatang pokok tamar, dia bersendirian menahan sakit bersalin.

Lahirnya Nabi Isa AS

**Dengan izin Allah,
Maryam AS pun
melahirkan seorang
bayi lelaki.**

**Bayi itu sangat comel
dan bercahaya – itulah
Nabi Isa AS.**

**Maryam AS sangat
penat dan hampir
berputus asa.
Tetapi Allah
menyuruhnya
supaya jangan
bersedih.**

Rezeki dari Pokok Tamar

Kemudian, Allah menyuruh Maryam AS menggoyangkan pokok tamar di sebelahnya. Lalu buah-buah tamar yang manis pun jatuh ke bawah di sebelahnya.

Air mengalir dari sungai kecil di tepinya.

Maryam AS pun makan, minum, dan tenangkan diri. Allah menjaga Maryam AS dan anaknya dengan penuh kasih sayang.

Maryam Pulang Bersama Bayi

Maryam AS pun pulang ke kampungnya sambil mendukung bayi Isa AS. Orang kampung sangat terkejut kerana telah menganggap Maryam telah melakukan zina dan mula menuduh Maryam AS.

Mereka berkata: “Wahai Maryam! Kenapa kamu bawa bayi ini? Kamu adalah anak yang baik – kenapa jadi begini?”

Maryam AS tidak menjawab. Dia hanya menunjukkan kepada bayinya.

Tiba-tiba, bayi kecil itu pun bercakap! “Sesungguhnya aku ini hamba Allah. Dia beri aku kitab dan jadikan aku seorang nabi.”

Orang ramai tercengang. Mereka takjub — seorang bayi bercakap dengan penuh hikmah dan tenang.

**Bayi Isa berkata lagi:
"Allah perintahkan aku
solat dan bersedekah.
Dan berbakti kepada
ibuku — Maryam."**

**Dengan kata-kata itu,
semua orang tahu
Maryam AS bukanlah
orang yang jahat.
Anak itu ialah
anugerah dari Allah.**

Anak yang Dilahirkan Sebagai Nabi

Isa AS bukanlah bayi biasa. Dia dilahirkan dengan mukjizat, dan Allah telah memilihnya menjadi seorang nabi kepada Bani Israil.

Sejak bayi lagi, baginda sudah menunjukkan tanda-tanda luar biasa.

🌸 **Ketahuiilah Allah Maha Berkuasa –
boleh mencipta apa sahaja walau lahir
tanpa ayah**

👧 **Maryam ialah wanita mulia dan kuat**

👶 **Bayi Isa ialah mukjizat dan tanda
kekuasaan Allah**

💬 **Jangan cepat menuduh –
dengar dahulu kebenaran**



Penutup dan Doa

Kisah ini mengajar kita bahawa tiada yang mustahil jika Allah berkehendak. Maryam AS ialah contoh wanita yang taat dan tabah, dan Nabi Isa AS ialah nabi yang Allah ciptakan dengan penuh keajaiban. Ya Allah, jadikan kami seperti Maryam dan Isa – kuat, sabar, dan yakin pada-Mu.

Aamiin!!!

"Ceritakanlah kisah-kisah ini agar mereka berfikir." (QS Al-Araf 176)

-Tamat-